

TE WHAKARĀPOPOTOTANGA

Ina ka taea, kua waiho Te Komihana Whakatau Rohe Pōti i ngā rohenga pōti mō ngā pōti whānui e rua e heke mai nei. Kāore he panonitanga ki ngā rohe pōti e 36.

Ko ngā wāhi panonitanga nui rawa kei ngā rohe o Tāmaki Makaurau, o Waikato, o Ōtautahi, o Ōtākou, o Te Taurapa o Te Waka. Ka noho te 7% o te taupori ki rohe pōti kē ā te wā o te pōti whānui o 2020.

Kotahi te rohe pōti hou i Tāmaki Makaurau ki te tonga. I marohitia ko Flat Bush hei ingoa hou. Ko te whakataunga whai muri ake i te hui tūmatanui ko **Takanini**.

He paku noa te whakarerekētanga o ngā rohenga o ngā rohe pōti Whānui 30 me ngā rohe pōti Māori e 5.

I whakarārangiāhia te nuinga o ngā panonitanga rohenga i roto i te pūrongo marohi i ngā rohe pōti i tāngia ai i te Whiringa-ā-rangi 2019.

I whai whakaaro, i whai kiko hoki ngā tāpaetanga kōrero a te marea, ā, nā tērā i āhua whakarerekēhia ngā rohenga marohitia, me te panoni hoki i ētahi ingoa.

Ngā Rohe Pōti o Te Ika-a-Māui

Kua piki te maha o ngā rohe pōti i te rohe o Tāmaki Makaurau mai i te 24 ki te 25. Anei ngā panonitanga tae atu ki:

- Kua tātuhia anō a Rodney kia uru atu ai a Dairy Flat me Coatesville, ā, kua tapaina ko **Whangaparāoa** kē
- Kua whakawhānuitia a Helensville ki roto o **Te Taitokerau**, ki **Whangaparāoa** me **Upper Harbour**, ā, kua taka atu te Paeroa o Waitākere tae atu ki **New Lynn** Kua tapaina te rohe pōti tātuhia anō o Helensville ko **Kaipara ki Mahurangi** kē, he hua nō ngā hui tūmatanui
- Hei whakanuku whakatetonga i te taupori ki te hanga i te rohe pōti hou, kua mahia ētahi

panonitanga ki **Mt Roskill**, ki **Maungakiekie**, ki **Manukau East**, ki **Manurewa**

- Whai muri i ngā hui tūmatanui, kua tapaina kētia te rohe pōti o Manukau ki te Rāwhiti ki te ingoa **Panmure-Ōtāhuhu**
- Nā runga i ngā hui tūmatanui, kua nekehia tētahi wāhanga paku o Maungarei ki roto o **Panmure-Ōtāhuhu**, mā reira e puritia ai ngā hononga ki Panmure
- Kua hangaia a **Takanini** mā te tō mai i te taupori o **Manurewa**, te rohe pōti i mua o Hunua, o **Papakura** hoki, ā, tae atu ki Wattle Downs me Takanini
- Ka tāpirihia te taupori mai i **Waikato** ki **Hunua**, ā, kua tapaina ko **Port Waikato** Kua whakarerekēhia ngā rohenga o **Waikato** ki a **Coromandel**, ki a **Hamilton West**, ki a **Taupō**
- Kua whakarerekēhia ngā rohenga o **Whangārei**, o **Bay of Plenty**.

Kāore he panonitanga ki ngā rohenga mō ngā rohe pōti 31, tae atu ki ngā rohe pōti katoa o te haurua whakatetonga o Te-Ika-a-Māui, me ngā rohe pōti e whai ake i te rohe tapatāone o Tāmaki Makaurau: Ko **Auckland Central**, ko **Botany**, ko **East Coast Bays**, ko **Epsom**, ko **Kelston**, ko **Māngere**, ko **Mt Albert**, ko **North Shore**, ko **Northcote**, ko **Pakuranga**, ko **Tāmaki**, ko **Te Atatū**.

Ngā Rohe Pōti Whānui o Te Waipounamu

Kua whakapūmauhia te maha o ngā rohe pōti o Te Waipounamu ki te 16. Ko ētahi anō panonitanga rohenga:

- Kua whakanukuhia a Brightwater mai i **Nelson** ki **West Coast-Tasman**
- Kua tātuhia anō te rohe pōti tere rawa te tipu,

ko **Selwyn**, ā, kua makere iho te takiwā o Horomaka ki **Banks Peninsula** (Port Hills i mua). Kua whakarerekēhia a **Ilam**, a **Wigram**, a **Banks Peninsula**, a **Christchurch East**, a **Rangitata**

- Kua tangohia mai i **Waitaki** te rohe o Alexandra me Clyde ka riro i a **Southland** (ko Clutha-Southland i mua)
- Kua nekehia te Otago Peninsula mai i Dunedin South ki Dunedin North, ā, kua tāpirihia a South Otago ki Dunedin South mai i Clutha-Southland. Nā aua panonitanga rohenga e rerekē ai ngā ingoa o aua rohe, ko **Taieri**, ko **Dunedin**, ko **Southland**
- I marohitia kia tāpirihia atu a Winton me The Catlins ki te rohe pōti o **Invercargill**. I runga i ngā tāpaetanga o te marea, ka noho a Winton, a The Catlins hoki i roto i te rohe pōti hou o **Southland**, ā ka toro atu a **Invercargill** ki Te Taurapa o Te Waka, tae atu ki Tuatapere.

Kāore he panonitanga mō **Christchurch Central**, mō **Kaikōura**, mō **Waimakariri**.

Ngā Rohe Pōti Māori

Ka noho tonu te maha o ngā rohe pōti Māori ki te 7. Kei te pāngia ngā rohe pōti e 5 e ngā panonitanga rohenga:

- Ka whakaurua ki **Tāmaki Makaurau** tētahi wāhanga i te tonga o Te Atatu i tangohia mai ai i **Te Tai Tokerau**, me tētahi wāhanga o te rāwhiti o Manurewa me te Moutere o Waiheke i tangohia mai ai i **Hauraki-Waikato**
- He whakarerekētanga iti noa ki a **Ikaroa-Rāwhiti** me **Te Tai Tonga** i Naenae.

Kāore he panonitanga rohenga mō **Te Tai Hauāuru** me **Waiariki**.

Ngā panonitanga ingoa

He ingoa hou ō ngā rohe pōti 11, tae atu ki te rohe pōti hou i Tāmaki Makaurau ki te Tonga kia hāngai pū ki aua takiwā, ki aua hapori.

- Kua huri a Whangarei ki **Whangārei**
- Kua huri a Helensville ki **Kaipara ki Mahurangi**
- Kua huri a Rodney ki **Whangaparāoa**
- Kua huri a Manukau East ki **Panmure-Ōtāhuhu**
- Kua huri a Flat Bush, te ingoa marohitia mo te rohe pōti hou, ki **Takanini**
- Kua huri a Hunua ki **Port Waikato**
- Kua huri a Rimutaka ki **Remutaka**
- Kua huri a Port Hills ki **Banks Peninsula**
- Kua huri a Dunedin North ki **Dunedin**
- Kua huri a Dunedin South ki a **Taieri**
- Kua huri a Clutha-Southland ki a **Southland**

Kitea ai ngā rohe pōti kua ū mā te whakamahere pāhekoheko i www.vote.nz. He mahere rohe pōti kei roto hoki i tēnei pūrongo.